

**“Službene novine Kantona Sarajevo”, broj 12/97**

Na osnovu člana 5. Zakona o pravobranilaštvu ("Službene novine Kantona Sarajevo", broj 3/97), ministar pravde i uprave donosi

**PRAVILNIK  
O SLUŽBENOJ LEGITIMACIJI PRAVOBRANIOCA I  
ZAMJENIKA PRAVOBRANIOCA**

član 1.

Ovim pravilnikom propisuje se obrazac i način izdavanja službene legitimacije (u daljnjem tekstu: legitimacija) pravobranioca i zamjenika pravobranioca u Pravobranilaštvu Kantona Sarajevo (u daljnjem tekstu: pravobranilac i zamjenik pravobranioca), zamjena i vođenje evidencije o izdatim legitimacijama.

član 2.

Pravobraniocu i zamjeniku pravobranioca se izdaje legitimacija. Legitimacija sadrži podatke o identitetu pravobranioca i zamjenika pravobranioca, kao i kratak izvod o pravima koja mu pripadaju na osnovu ustava, zakona i drugih propisa.

član 3.

Legitimacija je javna isprava.

Pravobranilac i zamjenik pravobranioca je dužan nositi legitimaciju i pokazati je nadležnom organu, kada se na osnovu legitimacije koristi pravom koje proistječe iz pravobranilačke funkcije.

član 4.

Obrazac legitimacije izrađen je na punom papiru i zaštićen omotom od prozirne mase.

Legitimacija je pravougaonog oblika, dimenzija 85x55mm.

Legitimacija se izdaje prema obrascu koji je odštampan uz ovaj pravilnik i čini njegov sastavni dio.

član 5.

Legitimaciju izdaje Ministarstvo pravde i uprave Kantona Sarajevo (u daljnjem tekstu: Ministarstvo).

član 6.

Legitimacija vrijedi od dana izdavanja do dana prestanka vršenja službe.

Nakon prestanka službe, pravobranilac, odnosno zamjenik pravobranioca dužan je vratiti legitimaciju Ministarstvu.

član 7.

U slučaju gubitka legitimacije, pravobranilac, odnosno zamjenik pravobranioca dužan je, najkasnije u roku od tri dana od dana gubitka, obavijestiti Ministarstvo.

Nova legitimacija bit će izdana nakon što se izgubljena legitimacija oglasi nevažećom u "Službenim novinama Kantona Sarajevo".

član 8.

O izdatim i zamijenjenim legitimacijama Ministarstvo vodi knjigu evidencija.

Evidencija iz prethodnog stava sadrži:

redni broj;  
ime i prezime pravobranioca, odnosno zamjenika pravobranioca kojem je izdata legitimacija;  
serijski broj legitimacije;  
datum izdavanja;  
datum vraćanja;  
datum oglašavanja nevažećom;  
potpis pravobranioca, odnosno zamjenika pravobranioca koji prima ili vraća legitimaciju.

član 9.

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

**"Službene novine Kantona Sarajevo", broj 6/02**

Na osnovu člana 5. stav 2. Zakona o pravobranilaštvu ("Službene novine Kantona Sarajevo", broj 12/01 - prečišćeni tekst), ministar pravde i uprave, donosi

**PRAVILNIK  
O PRESTANKU VAŽENJA PRAVILNIKA O IZMJENAMA PRAVILNIKA O  
SLUŽBENOJ LEGITIMACIJI PRAVOBRANIOCA I ZAMJENIKA  
PRAVOBRANIOCA**

član 1.

Pravilnik o izmjenama Pravilnika o službenoj legitimaciji pravobranioca i zamjenika pravobranioca ("Službene novine Kantona Sarajevo", broj 10/98) prestaje da važi.

član 2.

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

**"Službene novine Kantona Sarajevo", broj 1/04**

Na osnovu člana 5. stav 2. Zakona o pravobranilaštvu ("Službene novine Kantona Sarajevo", broj 12/01 - prečišćeni tekst i broj 20/02), ministar pravde i uprave donosi

**PRAVILNIK  
O IZMJENAMA PRAVILNIKA O SLUŽBENOJ LEGITIMACIJI PRAVOBRANIOCA I  
ZAMJENIKA PRAVOBRANIOCA**

član 1.

U Pravilniku o službenoj legitimaciji pravobranioca i zamjenika pravobranioca ("Službene novine Kantona Sarajevo", broj 12/97), obrascem legitimacije pravobranioca i zamjenika pravobranioca koji je sastavni dio ovog pravilnika zamjenjuje se dosadašnji obrazac legitimacije pravobranioca i zamjenika pravobranioca.

član 2.

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".